

Hoffech chi roi eich ad-daliad treth i elusen?



Os oes arnom ni dreth i chi, gallwch roi eich ad-daliad i elusen o'ch dewis chi drwy gwblhau'r ffurflen fer a welir trosodd. Mae'n ffordd hawdd i gyfrannu a gallwch ddefnyddio Rhodd Cymorth i gynyddu gwerth eich rhodd.

Gwneir hyn drwy gynllun SA Donate ac mae miloedd o elusennau, bach a mawr yn cymryd rhan. Mae Cod Elusen arbennig gan bob un a bydd angen hwn arnoch er mwyn cwblhau'r ffurflen.

Ewch i www.hmrc.gov.uk/charities/charities-search.htm neu gallwch ein ffonio i gael cod eich elusen.

Unwaith y byddwch wedi cael y cod, yr unig beth sy'n rhaid i chi ei wneud yw cwblhau'r ffurflen a'i dychwelyd atom gyda'ch Ffurflen Dreth. Fe wnawn ni'r gweddill ar eich rhan.

Gallwch gyfrannu'r cyfan, neu dim ond rhan o'ch ad-daliad. Does dim angen i chi gyfrifo'ch bil treth i gwblhau'r ffurflen - os na wyddoch faint sydd arnom i chi, gallwch naill ai

ddweud wrthym am anfon y swm llawn, neu nodi'r uchafswm yr hoffech ei gyfrannu.

Ni allwn byth anfon fwy na chyfanswm eich ad-daliad. Darllenwch dudalen TRG 19 y Canllaw i'r Ffurflen Dreth cyn cwblhau'r ffurflen.

Gallwch ddefnyddio Rhodd Cymorth er mwyn i'r elusen hawlio'n ôl y dreth a dalwyd gennych yn barod ar y rhodd. Mae Rhodd Cymorth yn cynyddu gwerth eich rhodd gan 25% - heb unrhyw gost i chi. Rhaid i chi dalu digon o Dreth Incwm neu Dreth Enillion Cyfalaf yn y flwyddyn dreth hon i gwrdd â'r dreth y bydd eich elusen yn ei hawlio'n ôl oddi wrthym.

I ddarganfod mwy am SA Donate a Rhodd Cymorth ewch i www.hmrc.gov.uk/charities/faq.htm

